



# Slysatrygging íþróttamanna Hóptrygging

Skilmáli nr. SS55

Tryggjandi er VÍS tryggingar hf., kt. 670112-0470, hér eftir nefnt „VÍS“.

## Um trygginguna gildir:

- Skírteinið ásamt áritunum og sérskilmálum.
- Skilmáli þessi nr. SS55.
- Almennur skilmáli VÍS nr. YY10.
- Lög um váttryggingarsamninga nr. 30/2004.

Skírteini og endurnýjunarkvittun ganga framar skilmálum. Skírteini, endurnýjunarkvittun og skilmálar ganga framar frávíkjanlegum lagaákvæðum.

**Slysatrygging íþróttamanna**  
tryggir íþróttaiðkendur hjá hinu tryggða íþróttafélagi og er ætlað að dekkja slys sem iðkendur verða fyrir á æfingum eða í keppni á vegum sinna félaga.

**Skilmáli** segir til um hvaða réttindi og skyldur þú og VÍS hafið.

**Skírteini** staðfestir að þú hafir keypt tryggingu hjá VÍS. Skírteinið er aðgengilegt með því að skrá sig inn á vis.is.

## I. Almenn ákvæði

Almenn ákvæði gilda um II. og III. kafla skilmála þessara.

### 1. Hver er tryggður?

- 1.1 Íþróttaiðkendur sem tilkynntir hafa verið til VÍS og eru hluti af hópi þess íþróttafélags sem kemur fram í skírteini eða endurnýjunarkvittun eru tryggðir.
- 1.2 Tryggður getur ekki gert fyrirvara um þátttöku í tryggingu þessari.

### 2. Hvar gildir tryggingin?

- 2.1 Tryggingin gildir við skipulagðar æfingar og keppni á vegum þess hóps íþróttafélagsins sem kemur fram í skírteini eða endurnýjunarkvittun.
- 2.2 Tryggingin gildir á skipulögðum ferðalögum á vegum íþróttafélagsins til og frá æfinga- og keppnisstaða utan heimabæjar félagsins.
- 2.3 Tryggingin gildir í frítíma erlendis í skipulögðum æfinga- og keppnisferðum á vegum íþróttafélagsins.
  - 2.3.1 Tryggingin gildir ekki fyrir þann tíma sem tryggður ákveður að framlengja dvöl sína erlendis fram yfir upphaflega ferðaáætlun félagsins.

### 3. Hugtakið slys

- 3.1 Með hugtakinu slys er átt við skyndilegan utanaðkomandi atburð sem veldur meiðslum á líkama þess sem tryggður er og gerist án vilja hans. Við meiðsl á útlimum er þess þó eingöngu krafist að um sé að ræða skyndilegan atburð sem veldur meiðslum á líkama tryggðs og gerist án vilja hans.

### 4. Sérstakar takmarkanir á bótaskyldu

- 4.1 Tryggingin bætir ekki tjón eða aukningu á tjóni sem beint eða óbeint hlýst af eða er af völdum jarðskjálfta, eldgoss, skriðufalls, snjóflóðs eða annarra náttúruhamfara.

### 5. Skyldur tryggingartaka

- 5.1 Tryggingartaki skal halda nafna- og kennitöluskra yfir tryggða íþróttaiðkendur sem falla undir trygginguna sem og senda inn og tilkynna breytingar til VÍS.
- 5.2 Tryggingartaki skal sjá til þess án ástæðulauss dráttar að tryggðir og forsjármenn tryggðra barna fái afrit af skírteini, skilmálum þessum og almenna skilmála VÍS.
- 5.3 Tryggingartaki skal senda tryggðum og forsjármönnum tryggðra barna sem falla undir trygginguna skriflega tilkynningu um brottfall tryggingar um leið og tryggður fellur ekki lengur undir tryggingaverndina.



## 6. Framsal

- 6.1 Tryggður eða forsjarmaður hans má ekki án samþykkis VÍS framselja réttindi sín samkvæmt tryggingarsamningnum.

## 7. Upphaf og lok tryggingarverndar tryggðs

- 7.1 Ábyrgð VÍS gagnvart tryggðum hefst þegar tryggingartaki hefur tilkynnt hann til VÍS.  
7.2 Ef tryggingunni er sagt upp, eða hún fellur úr gildi vegna vanskila tryggingartaka, fellur hún úr gildi gagnvart tryggðum einum mánuði eftir að VÍS sendi tilkynningu til tryggðs um brottfall hennar.

## II. Slysstrygging

### 8. Hvað bætir tryggingin?

- 8.1 VÍS greiðir bætur vegna slyss er tryggður verður fyrir, ef það leiðir til:
- Andláts.
  - Varanlegrar læknisfræðilegrar örorku.
  - Tímabundins missis starfsorku.
  - Tannbrots.
- 8.2 VÍS greiðir einnig innlendan slysakostnað fyrir 15 ára og yngri vegna slyssins. Slysakostnaður er eingöngu greiddur að því marki sem hann fæst ekki greiddur hjá Tryggingastofnun ríkisins.

### 9. Hvað bætir tryggingin ekki?

- 9.1 VÍS greiðir ekki bætur vegna slysa sem verða:
- Í bardaga-, glímu-, eða sjálfsvarnariþróttum þar sem tilgangur íþróttanna er að slá, kýla eða sparka til andstæðingsins eða takast á við hann á annan hátt.
  - Í akstursíþróttum.
  - Í bjargsigi, kletta-, fjalla- og ísklifri.
  - Í fjallgöngu af hvaða tegund sem er í yfir 4.000 metra hæð frá sjávarmáli.
  - Í köfun með súrefniskút og frikölfun (án súrefnis) á meira dýpi en 10 metrar.
  - Í loftbelgs-, svífvængja-, dreka-, svíf-, fisvélaflugi og öðrum sambærilegum athöfnum.
  - Í teygjustökki, fallhlífastökki og BASE stökki og öðrum sambærilegum athöfnum.
  - Í flugi, nema tryggður sé farþegi í áætlunar eða leiguflugi á vegum aðila sem hefur tilskilin leyfi hlutaðeigandi flugmálayfirvalda.
  - Í handalögmálum eða við þátttöku í refsiverðum verknaði.
  - Af völdum ljósabaða, lækningameðferðar, skurðaðgerðar eða lyfjanotkunar, nema meðferðin sé að læknisráði vegna bótaskylds slyss og gerð á viðurkenndri heilbrigðisstofnun.
  - Af völdum matar- eða drykkjareitrunar.
  - Af völdum sýkingar vegna skordýrabits eða stungu.
  - Af völdum eitraðra lofttegunda, nema eitrunin hafi orðið skyndilega og án vilja tryggðs.
  - Beint eða óbeint af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira eða þegar afleiðingar slyss verða meiri vegna framangreindra atriða.

Áhættu samkvæmt a-e lið gr. 5.1 er hægt að tryggja sérstaklega.

### 10. Tryggingarfjárhæð

- 10.1 Hámarksfjárhæðir vegna dánarbóta, örorkubóta, dagpeninga og innlends slysakostnaðar koma fram í skírteini eða endurnýjunarkvittun.  
10.2 Bætur reiknast á grundvelli tryggingarfjárhæða á slysdegi eins og hér segir:
- Dánarbætur breytast í réttu hlutfalli við breytingu vísitölnnar frá slysdegi til dánardags.
  - Örorkubætur breytast í réttu hlutfalli við breytingu vísitölnnar frá slysdegi til uppgjörsdags. Vísitölubinding örorku varir þó aldrei lengur en í þrjú ár frá slysdegi.
  - Dagpeningar breytast í réttu hlutfalli við breytingu vísitölnnar frá slysdegi meðan starfsorkumissir varir.

### 11. Eigin áhætta

- 11.1 Eigin áhætta tryggðs í innlendum slysakostnaði í hverju einstöku tjóni kemur fram í skírteini eða endurnýjunarkvittun.

### 12. Ákvörðun bóta

- 12.1 Dánarbætur:



- 12.1.1 Látist tryggður vegna afleiðinga slyss innan eins árs frá slysdegi greiðast dánarbætur á grundvelli þeirrar tryggingarfjárhæðar sem var í gildi á slysdegi að fráregnum bóttum sem VÍS kann að hafa greitt tryggðum fyrir varanlega örorku vegna sama slyss.
- 12.1.2 Ef tryggður deyr af völdum slyss, þegar meira en ár er liðið frá slysdegi, en áður en endanlegt örorkumat hefur farið fram, greiðast örorkubætur samkvæmt bráðabirgðaörorkumati, þó aldrei hærrí fjárhæð en dánarbætur mundu hafa verið.
- 12.1.3 Dánarbætur greiðast því aðeins að slysið sé bein og eina orsök að andláti tryggðs. Ef sjúkdómur, veiklun eða sjúklegt ástand tryggðs eru meðorsakir dauða hans, greiðast engar dánarbætur. Þetta gildir hvort sem ástand þetta var til staðar þegar slysið varð eða skapaðist síðar, án þess þó að vera beinlínis og einungis afleiðing af slysi sem tryggingin nær til.
- 12.1.4 VÍS á rétt á því að hinn látni verði krufinn til þess að leidd verði í ljós dánarorsök og annað sem máli gæti skipt um bótaábyrgð VÍS.
- 12.1.5 Dánarbætur greiðast maka tryggðs. Sé maki ekki til staðar greiðast þær til erfingja samkvæmt lögum eða erfðaskrá.
- 12.2 Bætur vegna varanlegrar læknisfræðilegrar örorku:
- 12.2.1 Valdi slyss tryggðum varanlegri læknisfræðilegri örorku innan þriggja ára frá því slysið varð greiðast örorkubætur á grundvelli þeirrar tryggingarfjárhæðar sem var í gildi á slysdegi.
- 12.2.2 Örorkuna skal meta í hundradshlutum samkvæmt töflum örorkunefndar um miskastig, sem eru í gildi þegar örorkumat fer fram. Við ákvörðun örorkunnar ber ekki að taka tillit til starfs, sérstakra hæfileika né þjóðfélagsstöðu. Slyss sem eingöngu valda lýti skal ekki meta til örorku. Ef líkur eru til að ástand tryggðs megi bæta með skurðaðgerðum eða öðrum slíkum aðgerðum ber að taka tillit til hugsanlegs bata sem slíkar aðgerðir kynnu að hafa í för með sér. Sé áverka hins slasaða ekki getið í töflum örorkunefndar um miskastig skal meta hann sérstaklega með hliðsjón af töflunum.
- 12.2.3 Bætur vegna varanlegrar örorku greiðast í hlutfalli við grunntryggingarfjárhæð sem í gildi var á slysdegi þannig að hvert örorkustig frá 26-50% verkar tvöfalt og hvert örorkustig frá 51-75% verkar þrefalt og hvert örorkustig frá 76-100% verkar fjórfalt. Bætur við 100% varanlega örorku verða því 250% af grunntryggingarfjárhæð.
- 12.2.4 Ef missir útlíma, sjónar eða heyrnar er ekki alger bætist örorkan hlutfallslega. Ef útlímur eru algerlega ónothæfir telst það missir þeirra. Ef þeir eru að einhverju leyti nothæfir reiknast örorkan hlutfallslega.
- 12.2.5 Missir eða bæklun á útlím eða líffæri sem var ónothæft fyrir slysið gefur ekki rétt til bóta vegna varanlegrar læknisfræðilegrar örorku. Missir eða bæklun á útlím eða líffæri sem áður var bæklað skal metið til örorku með hliðsjón af bækluninni fyrir slysið.
- 12.2.6 Örorkan skal að jafnaði metin einu ári eftir slysið, annars þegar læknir telur að varanlegar afleiðingar slyssins hafi komið í ljós, en þó ekki síðar en þremur árum eftir slysdag.
- 12.2.7 Leiði slyss til varanlegrar læknisfræðilegrar örorku skulu VÍS og tryggður eða forsjarmaður hans koma sér saman um einn hæfan matslækni til þess að meta afleiðingar slyssins.
- 12.3 Bætur fyrir tímabundinn missi starfsorku:
- 12.3.1 Valdi slyss tryggðum tímabundnum missi starfsorku greiðir VÍS dagpeninga. Dagpeningarnir greiðast í hlutfalli við starfsorkumissinn frá lokum biðtíma og svo lengi sem tryggður er óvinnufær að mati læknis, eða þar til örorkumat hefur farið fram. Dagpeningar greiðast þó ekki lengur en í þann hámarksbótatíma sem kemur fram í skírteini eða endurnýjunarkvittun og ekki eftir að þrjú ár eru liðin frá slysdegi.
- 12.3.2 Með biðtíma er átt við það tímabil sem samkvæmt skírteini á að líða frá slysdegi þar til dagpeningagreiðslur hefjast. Fyrir þetta tímabil eru ekki greiddir dagpeningar.
- 12.3.3 VÍS tekur ákvörðun um greiðslu dagpeninga á grundvelli læknisvottorða og annarra gagna sem fyrir liggja.
- 12.3.4 Stafí starfsorkumissir slasaða að einhverju leyti af öðrum orsökum en slysinu lækka dagpeningar í beinu hlutfalli við það hvern þátt þessar orsakir eiga í missi starfsorkunnar.
- 12.4 Bætur vegna tannbrots:
- 12.4.1 VÍS greiðir viðgerðir á heilbrigðum og vel viðgerðum tönnum sem brotna eða laskast við slyss.
- 12.4.2 Greiðsla VÍS takmarkast við 5% af grunntryggingarfjárhæð örorku vegna hvers slyss og samanlagðar greiðslur vegna slysa á hverju tryggingartímabili við 15% af sömu fjárhæð.
- 12.4.3 VÍS bætir þó ekki tennur sem brotna þegar tryggður matast.
- 12.5 Bætur vegna innlends slysakostnaðar
- 12.5.1 Innlendur slysakostnaður greiðist eingöngu gegn framvísun frumrits af reikningi.
- 12.6 VÍS greiðir kostnað vegna nauðsynlegra læknisvottorða í tengslum við tjónsatburð



þegar þeirra er aflað að beiðni VÍS.

- 12.7 VÍS er heimilt að láta ráðgefandi lækni skoða tryggðan.
- 12.8 VÍS er heimilt að afla sér upplýsinga um fyrra heilsufar tryggðs að fengnu samþykki hans eða forsjármanns hans.

### III. Sjúkrakostnaðartrygging erlendis (valkvætt)

Tryggingin er innifalin ef hún er tilgreind í skirteini eða endurnýjunarkvittun.

#### 13. Hvað bætir tryggingin?

Ef tryggður slasast, veikist eða deyr erlendis bætir tryggingin:

- 13.1 Sjúkrakostnað.
  - 13.1.1 Sjúkrahúsvist erlendis ásamt læknishjálpi, lyfjum og annarri þjónustu sem sjúkrahúsið veitir. Vistin og meðferðin skulu vera fyrirskipuð af lækni og greiðslan miðast við almennt sjúkrahús í viðkomandi landi.
  - 13.1.2 Læknishjálpi og lyf að læknisráði.
  - 13.1.3 Kvalastillandi tannviðgerðir í neyðartilvikum. Hámark bóta vegna tannviðgerða er 1% af hámarksjúkrakostnaði tryggingarinnar.
- 13.2 Aukinn kostnað.
  - 13.2.1 Aukaútgjöld vegna sérstakrar hótelvistar þegar læknir álitur að meðferð geti farið fram á hóteli. Til þessara útgjalda telst t.d. kostnaður vegna hjúkrunar og sjúkræfæðis. Hámarksbætur á sólarhring vegna þessa kostnaðar eru 0,4% af hámarksjúkrakostnaði tryggingarinnar.
  - 13.2.2 Aukaútgjöld vegna heimferðar eða ferðar til þess að ná fyrirfram ákveðinni ferðaáætlun vegna tafar af völdum sjúkravistar tryggðs að læknisráði, ásamt ferðakostnaði fylgdarmanns telji læknirinn slíks þörf.
  - 13.2.3 Aukakostnað náins ættingja ef hann er með í för eða er kvaddur til dvalarstaðar tryggðs með samþykki ráðgefandi læknis VÍS þegar tryggður slasast, veikist alvarlega eða deyr á ferð sinni. Hámarksbætur vegna þessa kostnaðar eru 4% af hámarksjúkrakostnaði tryggingarinnar.
- 13.3 Sjúkraflutning.
  - 13.3.1 Telji læknir sá sem annast hefur tryggða vegna veikinda eða slyss á ferðalagi að tafarlaus heimferð sé nauðsynleg og geti orðið með venjulegum hætti nægir VÍS skrifleg staðfesting læknisins. Í slíkum tilvikum greiðast aukaútgjöld vegna heimferðarinnar, t.d. aukasæti eða dýrara farrými. Ef um svo alvarlegan sjúkdóm eða slys er að ræða að læknirinn telur að flytja verði tryggða heim með öðrum hætti þarf skriflega staðfestingu ráðgefandi læknis VÍS á flutningum.
- 13.4 Flutningur á látnum.
  - 13.4.1 Látist tryggður erlendis greiðir VÍS kostnað við flutning hins látna til Íslands svo og aukakostnað samferðamanns hans og kostnað við lögboðnar ráðstafanir.

#### 14. Hvað bætir tryggingin ekki?

- 14.1 VÍS greiðir ekki bætur vegna:
  - a) Langvinnra sjúkdóma eða slysa sem tryggður hefur notið læknishjálpar við á síðastliðnum 12 mánuðum.
  - b) Áframhaldandi lækni meðferðar ef tryggður neitar að láta flytja sig heim þrátt fyrir ráð læknis sem hefur stundað hann og ráðgefandi lækni VÍS.
  - c) Lækni meðferðar erlendis lengur en í þrjá mánuði.
  - d) Lyfja án læknisráðs, gervilima og gervitanna, gleraugna, snertisjónlerja, heyrnartækja og annarra sambærilegra tækja.
  - e) Í bardaga-, glímu-, eða sjálfsvarnariþróttum þar sem tilgangur íþróttanna er að slá, kýla eða sparka til andstæðingsins eða takast á við hann á annan hátt.
  - f) Í akstursíþróttum.
  - g) Í bjargsigi, kletta-, fjalla- og ísklifri.
  - h) Í fjallgöngu af hvaða tegund sem er í yfir 4.000 metra hæð frá sjávarmáli.
  - i) Í köfun með súrefniskút og fríköfun (án súrefnis) á meira dýpi en 10 metrar.
  - j) Í loftbelgs-, svifvængja-, dreka-, svif-, físvélaflugi og öðrum sambærilegum athöfnum.
  - k) Í teygjustökki, fallhlífastökki og BASE stökki og öðrum sambærilegum athöfnum.
  - l) Slysa sem verða í flugi, nema tryggður sé farþegi í áætlunar- eða leiguflugi á vegum aðila sem hefur tilskilin leyfi hlutaðeigandi flugmálafyrivalda.
  - m) Slysa sem verða í handalögmálum eða við þátttöku í refsiverðum verknaði.
  - n) Slysa eða sjúkdóma af völdum ljósabaða, lækningameðferðar, skurðaðgerðar eða lyfjanotkunar, nema meðferðin sé að læknisráði vegna

Áhættu samkvæmt e-i lið gr. 5.1 er hægt að tryggja sérstaklega.



- o) bótaskylds slyss eða sjúkdóms og gerð á viðurkenndri heilbrigðisstofnun.
- p) Sýkingar af völdum skordýrabits eða stungu.
- p) Slys eða sjúkdóma af völdum eittraðra lofttegunda, nema eitrunin hafi orðið skyndilega og án vilja tryggðs.
- q) Slys eða sjúkdóma sem verða beint eða óbeint af völdum hryðjuverka vegna hvers konar líffræðilegra eða efnafræðilegra áhrifa og/eða eitrunar, þ.m.t. vegna sýkla og veira eða þegar afleiðingar slyss verða meiri vegna framangreindra atriða.
- r) Sjúkdóms sem stafar af neyslu áfengis eða fíkniefna.

## 15. Eigin áhætta

- 15.1 Eigin áhætta tryggðs í hverju einstöku tjóni kemur fram í skírteini eða endurnýjunarkvittun.

## 16. Ákvörðun bóta

- 16.1 VÍS greiðir bætur samkvæmt frumriti reiknings.
- 16.2 Tryggður skal leggja fram nauðsynleg gögn vegna kröfu um bætur, t.d. læknisvottorð.
- 16.3 VÍS greiðir kostnað vegna nauðsynlegra læknisvottorða í tengslum við tjónsatburð þegar þeirra er aflað að beiðni VÍS.
- 16.4 VÍS er heimilt að láta ráðgefandi lækni skoða tryggðan.
- 16.5 VÍS er heimilt að afla sér upplýsinga um fyrra heilsufar tryggðs að fengnu samþykki hans.
- 16.6 Tryggður skal ekki hagnast á tjónsatburði. Tryggingin skal einungis bæta raunverulegt tjón tryggðs.

**Það sem fram kemur á hægri spássíu er eingöngu til leiðbeiningar fyrir viðskiptavini en er ekki hluti af texta skilmálans og ekki ætlað til túlkunar einstakra greina hans.**